

اولمق اوزره نردینه تعیین اولدینی دولتک حکمدارینه متبوعندن کتیردیکی نامهک تاریخ تقدیمک اسکیلکنه یاخود یکیلکنه کوره اولور. بناء علی ذلک فرانسه ایلیچیرینک سفرای سائرله «تقدم و تصدر» لری آرتق واقع دکدر. خصوصات ممانده و بانه قونفره سی مقررآندن استشهاد اولونور.

قونسولوسلر آره سنده دخی-هانکی دولته منسوب اولورلرله اولسون عینی صنف منسوبیتک تقدم و تأخرارنده قدم قاعده سی جاریدر. قونسولوسلر جنرال قونسولوسی، قونسولوس وکیلی (Vice consul) و قونسولوس مأموری (Agent consulaire) عنوانرله درده آریلیر. تقریباً یرسنه مقدم ولایتزدن برینک مرکزنده برمسئله ولدی. عینی صنفده عینی درجهده مأموریتده فقط بالطبع بشقه بشقه دولته منسوب ایکی قونسولوس کلش. بری اول کلش مأموریت براتی کیج ویرمش، بری کیج کلش مأموریت براتی رفیقندن اول ویرمش. هانکیسی تقدم ایده جک؟ ولایتدن خارجیه نظارتندن صورلدی. سفرايه قیاساً مأموریت امرینی اول ویرن-اندن اول کلوبده مأموریت امرینی مقام ولایت اندن صکره ویرنه تقدم ایتمی لازم کله جکی بیلدیرلدی. - سفرائک معفویت رسومیه سنه کلنجه حقوق دولک جمله احکامندن در. هرملکتده اولدینی کی بزده دخی سفرا نامه کان اشیا نه معاینه رسمه تابع طوتیلور. ایلمچی تکلیف نامه برشی ویرمز. قایتولاسیونلرک عصرمزده حکمسز اولان دیگر موادی کله جک مقاله مک موضوعی تشکیل ایده جکدر.

ابن النضیا

زراعتن نه ایچون ایلرله مدی؟

اوپنچی نسخه دن مابعد :

بوندن برقاچ سنه اول رومانیا حکومتک وارداتی یوزاللی میلیون فرانقندن عبارت اولدینی حالده الحاله هذه حکومت مذکوردهک بودجه سی ۳۰۰ میلیون

فرانقه بالغ اولمقدهدر. بوندن یکریمی بش سنه اول مصرک احوال مایه و داخله سی
 بر حال تدبیده ایکن شمدی واردات سنویه سی اون بش ملیون ایرابه بالغ
 اولمقدهدر. شو نتایج حسنه ایسه یوقاریده عرض ایدیلکم وجهه روح زراعت
 اولان آسایش، وسائط نقلیه و قره دی فونسیه لک تأثیرات مادیه و معنویه شندن
 حاصل اولدیقی امر آشکاردر. اشته ممالک اجیده ده و باخود مملکت مزک اجزای
 اصلیه شندن اولان بعض ایلانلرده فوآند عقیقه مادیه سی بحرب اولان بویله
 بر مؤسسه مایه زراعیه نك مملکت مزک احوال و احتیاجاته کوره تعدیل ایدیلرک
 تأسیسی فائده دن خالی اولمیه جغفی قویاً امید ایلریم. (Agent consulaire)
 هرکمک ترانسه، چنتلکنه هیچ برطرفدن تعرضه دوچار اولمیه رق تمامیه
 صاحب ومالک اولمسی ترقی زراعت ایچون الزم شرائط اساسیه دن اولدیقی بالاده
 ایضاح ایلمشدم. سرمایه نقدیه، وسائط نقلیه، طرق و معابر، معلومات فیه کی
 وسائط موجود اولمقله برابر اصل زراعت ایدیلرک ترلا منازع فیه اولورسه
 هیچ بروقت زراعتک ترقیسی دکل حتی اصول عتیقه ایله زراعتیه دوام بیلر قابل
 اوله ماز. مع التأسف بو حال ممالک عثمانیه نك هر طرف قسیده آزچوق واقعدر.
 کویلدیرمز حق تصرفدن طولانی غوغا و نزاعدن باش آلوب ایشلرینه کوجلرینه
 باقغه وقت بوله مامقده، بویوزدن جنایتلر ایقاع ایدلمکده، برچوق اعانه لر محو
 اولمقدهدر. بعضاً طرفیندن ریشی از قضا محکمه یه مراجعت ایلسه ایشی سنه لرحه
 بالالزام سورونجه ده بر اقیلور، برچوق کشف یارملری آلتور، کیدیلور کلینر
 طرفیه بر اوجه صوبلده قنصکره محکمه هیچ برمرار ویرمدیکی حاده منازعه حال
 اصلینده بر اقیلور، بونک نتیجه سی یابر جنایت یاخود طرفینک افلاسی وزراعتک
 تعطیلی اولورکه بوده ثروت عمومییه و خزاینه دولته برضربه دیمکدر.

بودرلو احوال مؤسسه یه سببیت ویرن شی حق تصرف ایچون تعقیب
 ایدیلان اصولک فنی و معقول اولمامسیدر. ممالک عثمانیه ده موجود بالجه ترلا
 و چنتلکاتک هیچ ریشی فنی برصورنده مساحه ایدلماشدر. مثلاً سنه ده سکر
 دوئم دیه مقید اولان بر ترلا لایقیه اولجه لک اولسه محقق اون درت دوئم

چقار . ازن بیک دونم اراضی به متصرف اولمغه حتی اولان برچفتلک صاحی بعضاً الی وبعضاً ده یوز بیک دونمی تحت تصرفنه آور . بویولسزلقلر کفایت ایتمورمش کی فضله اوله رق برده دونمک مقدارینی نظر دقته المهرق چفتلکلر ویا زلانیك حدودینه اعتبار ایتمک مسئله سیده آروجه نظر دقته شایاندرکه بوده کلیاً اساسنر وحتسنردر . زیرا نیچون برینک بدینه سکر دونمک برسنر وروب اون بیی دونمه متصرف اولمغه حتی قیلملی؟ ذاتاً حدود دیوکوستربلان اشارتلر ثابت ولایتغیر اولمده یقیندن دعاوی حادثه نك برچو غیده حدود منازعه لرندن نشات ایلمکده در .

ایشته بویولسزلقلر ده اوکینی المی آتق قداسترو اصولنک ممالک عثمانیه ده تطبیقیله حاصل اوله یلور سده ممالک وسیعه متزک باشند باشه مساحه سی وقت وبقده و برچوق متفن ذوانک سی غیرت میادینه محتاج اولمقله برابر شمعی به قدر جاری اولان اصولی تمامیه تبدیل وونک رینه بر دنبه اصول جدیدینی وضع ایلمکله امور جاریه بی محور لایقده دوران ایئدیرمک ممکن اوله ماز . غایه رتقی به تدیر مجا تکامل سابه بنده وارلدینی و بالعکس وهله حد غایه به واصل اولمقده دائماً برعکس عمل وانع اولدینی معلوم و مسلمدر . بوعاذاً برقاون طبعیدرکه آنک خارجه کیمسه چقاماز وچیققی استیان ازهر جهت متصرف اولور . شوخالده قداسترو اصولی برنجی شه برقصایه یا خود برلویه تطبیق ایله اوراده مأمورین عائد سنجه اصول تطبیقیه تعلیم و محسنات و مخاذیری مشاهده وتمامیه تحقیق وایرتسی سته برولایته تشمیل ایله بیوک مقیاسده تجر به سی اجرا ایدلدکد فسرکه سرعت ممکنه الله ممالک عثمانیه نك سار معمور ولایتلرینه تطبیق ایلمک واجبهددر .

برقضا ویولایتده اراضینک مساحه سی تمام اولمقله ممالک سارمده اولدینی کی اعشار اصولنی ترک واکا بدل اراضی اوزرینه ویرکو طرح ایتمک مصیب بر تدیر اوله ماز . حکومت عثمانیه قداسترو اصولنی قبول وضع ایتمکله ممالک عثمانیه نك شرائط استحصالیه واقتصادیه سی برایکی سته طرفده تبدیل ایده میه چکی بدیددر .

دها طوغریسی ممالك عثمانیه ده زراعتك و بناءً عليه بوكا استناد ایلان صنعت و تجارتك ترقی و تعالیسی بالاده ذكر ایدلیدی وجهله اسایشك تأمینی ، وسائط نقلیهك تكشیری و قره دی فونسیه لرك تأسیسی کی بر جوق شیلره وابسته اولوب قاداسترو اصولی یالکر حق تصرفده وقوعه کلان اختلافات متعدده یه ، بونلرك نتایج مؤله سنه سدچمكله ترقی زراعته خدمت ایدر . بناءً عليه بواصولك تطبیقیه مملكتك ثروت عمومیه سنك همان تراید اتمی ده قابل اوله میه جفندن بردنره اعشار اصولی ترك ایله اراضی اوزرینه ویركو طرحه تثبیت ایدلما لیدر . یکی اصولك محسناتی اهلیمزجه لایقیه تقدیر واعشارك دولت خزینه سنه کتیردیکی مبلغ وسطی سنوی تمامیه تحقیق و تدقیق ایدلده کنصکره بلکه حاصلاتدن ویركو آلتی اصولی ترك و اراضی اوزرینه مقنن بر ویركو وضع ایدیه بیلیر . الحاصل قاداسترو اصولی قبول و تدریجاً تطبیق ایله اولاجق تصرفده واقع اولان اختلافاتی رفع و زراعت ترقی ایدلده کنصکره اعشاری ترك ایدوب اندن حاصل اولان یکونی اراضیه ویركو صورتیه طرح ایلمك اقتضا ایدر . نتیجه کلام قاداسترو اصولك دولتجه قبولی منافع ملت و خزینه دولت نقطه نظرندن ایکی استفاده عظیمه یی موجب اوله جقدرکه اولاجق تصرفده واقع و بیکارجه عالهلرك خرابیتی منتج اولان اختلافات ، دعاوی ، مجادله و مقالهلرك وقوعی مانعدر . ثانیاً بتون جهان مدنیتده اولدینی کی دولتلك ده اراضی اوزرینه طرح ایده چکی ویركو ایله هر سنه تبدل ایدن و مقداری معلوم اولیان اعشار حاصلاتك یرینه مقنن بر مبلغ حاصل و بویه جه بودجه مزده برانظام وجودینه بادیدر . بوندن اون بش سنه مقدم هم ممالك عثمانیه اراضیسی مساحه و همده بوسیله ایله ارکان حرب ضابطانمرك معلوماتی تکمیل و اختصاصی توسیع ایلمك ایچون فرانسه دن برارکان حربیه هیئت جالب ایدلش ایدی . فرانسه ضابطانی ایله عثمانی ارکان حرب ضابطلری ایشه مباشرت ایدوب براییک سنه سعی و غیرتدن صکره ایلروده قاداسترو عملیاتنه اساس اوله بیله چك نتایج حسنه یه دسترس اولملر ایکن شمدی یه قدر اکلاشیه میان هر نه اسبابه مبنی ایسه عملیات مذکورمه

تعطیل ایدلمشدی . هیئت مذکوره ریاستده بولنان میرالای پاریزین تکرار ایشه
تثبت ایتک املیه برقاج سنه دواړ رسمیه قوریدورلرنده طولاشدقدن صکره
مع الافتخار خدمتی قبول ایتدیکی بردولتک بغیر حق باره سنی آوب بوش کرمکی
مسلك و حیثیه مغایر کوردیکی ایچون مأبوساً فرانسیه عودت و دولت عثمانیه
بوندن اون بش سنه اولندنبرو قدماً حاضرلیه بیله جکی و مملکتده زراعت حقوق
تصرفیه سنی محور لایقنده تدویره خادم بر اصول اتخاذی فرصتی الدن فوت
ایتدی ، بوخصوصده کی ایشلمزده اون بش سنه کیرویه قالدی .

قداسترو اصولک تأسیسندن منافع و ثروت عمومیه نقطه نظرندن فواید
عظیمه حصولی آشکار و بونک احدائی مصارف کلیه اختیارلیه برخیلی وقته
محتاج اولدیغندن بونی تدریجاً تطبیق ایتکله برابر بر نتیجه حسنه افتران ایتسی
اسبابی اطرافیه حاضرلدقدن صکره ایشه مباشرت ایلک ایجاب ایدر . یوقسه
شو اصولک حد ذاتنده کی فائده سیله برابر اسباب و وسائط موفقیتی تمامیه و کمال
بصیرتله تهیه ایدلمدن اجراسنه تثبیت ایدیلرسه وقوعی ممکن اولان اوفاق برخطه
بر موفقیتسزک سیبیه اهالی نزدنده بونک فناغنه حکم ایدلسی ملحوظ و بردها
تطبیقی مشکل اوله جغندن بویوزدن ینه ممالک عثمانیه ک ثروت عمومیه سنه خلل
کله جکی شبهه سزدر . مسئله یی بر آردا ایضاح ایتک ایچون بو خصوصده
شمدی یه قدر وقوعبولان تشبثلردن بحث ایتک ایجاب ایدر . بوندن یکرمی سنه
اول بعض قضالرده تقریبی بر قداسترو اصولی وضع ایدلدکد نصکره اعشار یرینه
اراضی مزروعیه اوزرینه مقطوع برورکو طرحه تثبیت ایدلمش ایدسه ثروت
عمومیه و محصولات ارضیه یی تزید ایدمک سائر اسباب و وسائطه توسل ایدلمدیکندن
بعض سنه لرده ترالرده برشی حاصل اولمدی فی حالده زراعت ینه نسبتاً اغیرجه
برورکو و بره رک متضرر اولمش و بوکمی قضالرده زراعت ترقی ایدمک یرده
تذنی یوزکوستر مشدر . اشته بونندن ده اکلاشیلورکه حق تصرفده واقع اولان
اختلافات متعدده یی رفع ایتک ایچون قداسترو اصولی قبول ایتکله برابر درعقب

سائر اسباب ترقی فی استحضار ایلمزدن اول اراضی اوزرینه ویرکو طرح اتمک
مصیب بر تدبیر اوله ماز .

قداسترو اصولی منافع عظیمه فی انتاج اتمکله برابر تأسیسی خیلی مصارف
وکلی وقته محتاج اولدیغندن بالفان شبه جزیره سنده بولان بعض دولتلر تقریبی
بر قداسترو ایله اکتفا اتمشلدور . ژاپونیا لیلر کی آرز بر زمانده فوق العاده ترقی
ایتمش بر قوم ۵۰۰۰۰۰ کیلومتر و مربع مساحت سطحیه فی اولان فورموز
جزیره سنی اون بش سنده نبرو ید ضبطه کچیر مش اولدقلری حالده جزیره مذکور منک
قداسترو معامله سنی انحق کچن سنده ختامه ایرد بر مشلدور .

[مابعدی وار]

فس حقنه

آلتنجی نسخه دن مابعد :

جشمکاک سلطان عبدالمجید خان حضر تری نک ۱۲۴۷ تاریخنده تعلم علومه
بدنی رسمنک اجرانی وسیله سیله (تقویم وقایع) ده محرز اولان بر مقاله
مخصوصه ده :

(رکاب شاهانه به بواننده تخصیص سیوریلان اوتوز نفر قیوجی باشی آغاز
قصر هاپونه طوغری مقواس الشکل اوله رق اثواب دیوانیه یعنی علما تللی عمامه
ورسمی فراجه لرو وزیر اورجال و سائر لری صیر مملی ستری و سیف و سابه فسلر ایله
دیز بلوب سر عسکر پاشا حضر تری بومجلس اقدسده سرایا مقام خدمتده یواندیلر .
شوکت مآب افندیمر حضر تری یالکز قرنا ی سلطنت و سورغوجلی خدمه خاصه
ایله تکلف سزجه اولوق اوزره « مرصع فس » و حروانی اکتسایسیله ماشیا ...)
فقره تعریفیه فی مصادف نگاه اولمشدر . بوفسک بدایتده طبله سنده یقین
طرفی مستعرضاً مرصع اولوب بالاخره بوتزینات یواش یواش تخفیف ایدلمش
و بر آره شمیدیکی بوسکول موقعنده بر بارچه قالمشدر . ایشته بوسکول بوقسم
مرصعک بر شکل متبدلی ایش .